

30. Januar 2018

Inatsisartut suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

**Naalakkersuisunut apeqqut:**

- 1. Meeraq angerlarsimaffiup avataanut inissinneqarsimappat angajoqqaarlu (angajoqqaallu) imigassamik ajornartorsiuteqarnertik pillugu katsorsartissimappata allatigulluunniit pitsan-ngoriarnermik ingerlariaqqissimappat/ta taava qaqugukkut meeraq angajoqqaaminut utertinneqaqqissinnaalernissaa naatsorsuutigineqassava?**
- 2. Meeraq angajoqqaaminut uteqqinnissaminut Kommune piaartumik aalajangeerusunngikkaangat pinartumillu arlaatigut ernumanartumik meeqqamut pisoqarnissaanik aarleri-nartoqarpat suligasuarsinnaaneq qanoq piaartigisumik Kommuninut piumasaqaataa-sinnaava?**
- 3. Meeqqat tapersorneqarnissaannut Inatsisartut Inatsisaat nr. 20, 26, juni 2017-meersoq naapertorlugu meeqqat angajoqqaaminut sapinngisamik piaartumik uteqqissinnaanerit angujumallugu Naalakkersuisut erseqqissanissaminut suliniuteqanngillat?**

(Inatsisartunut Ilaasortaq, Laura Táunâjik, Siumut)

**Tunngavilersuut:**

Meeqqat angerlarsimaffiup avataanut inissinneqartillutik angajoqqaat meeqqaminut isumassuisimannginnerat arlalitsigut patsiseqarsinnaasarput. Amerlanertigut imigassaq aallaaviulluni meeqqat angerlarsimaffiup avataanut inissinneqartartut nunarput tamakkerlugu amerlarput.

Taamaakkaluartoq angajoqqaarpoq meeqqami angerlarsimaffiup avataanut inissinneqarnermi kingorna inuunermikk allannortitsisimasunik allaat katsorsartillutik ilorraap tungaanut ingerlaqqissimasunik. Kisianni Kommunini Inunnik Isumaginnittoqarfinni sulisut aalajangiisinnaassuseq annertusumik pigineq ajorsimavaat. Aalajangiineq qanorluunniit ittoq allannortinnaveersaarlugu meeraq angajoqqaajusumut utertitsinneqarnaveersaartarpoq. Tamanna angajoqqaajusumut meeqqamullu sakkortuumik nanertuutinngorsinnaavoq.

Meeqqap nalinginnaasumik angajoqqaani qanorluunniit inuuneqarsimagaluaraangat maqaasinermik misigissuseqarfigisarpaa. Taamaattumillu sakkortuumik innersuutiginaraluarpoq angajoqqaajunngitsumik ingerlalersimappat piffissarujussuarmik utaqqiseqattaaginnarnagit piaartumik ilaqutariitut ataasiulernissaat anguniarlugu suliniutit piaarnerusumik Naalakkersuisunit Kommuninut inner-sunneqartariaqaraluartut. Assororneq anginerulersikkumanagu, kisianni politikikkut pingaartittuagarput ilaqutariit nukittuut pitsanngorsaaviginarlugit sullikkumallugit.

Apeqquteqaatimma ullut suliffiusut qulit iluanni akineqareersimanissaat kissaatigaara.